

02 Luftschloss

Musik: Oliver Herzog, Manuel Wülser, DJ Broad Minded
Text: Turescht, Flare

1. Part, Turescht:

ich bou mer es schloss us liebi und loft
triibe wiit id wiiti devo, bis hinder de mond
alles hinder mir gloh, s'isch en friedliche ort
wo alles isch, wien ichs mir immer erhofft han
ich boue innerlich drock ab
indem ich mir e wält us mine bilder im chopf schaff
solangi schriiber und block ha
wird alls wien ichs will und doch git niemer de ton ah
ich hätt en liechtere rocksack,
nachem kritische blick nur no s'wichtige dinn'
mini sicht uf d'wält wär nüm dur sitte bestimmt
und mis innere chind wider sieger im spiel
ich hätt stimme i mir, d'stilli wird luut
au wens hindernis git, gibi nid uf
triibi im sumpf, findi es ufer
mis hätz het stimm, solangi schriibe und schnufe
nüm liide und sueche, finde min weg
leg d'fassade ab, ertrinke im jetzt
alles ächt, nid dur gimmicks verzerrt
zell uf inneri wert, nur sind spiegel im weg
ich bou mer es schloss us liebi und luft
trieb id wiiti devo, säge niemerem wo
mis luftschloss isch wie villes nur wunschtraum
sie hend mer d'liebi und d'luft klaut

Hook:

**und darum flüchti is luftschloss
en wiite wäg, doch ich nimm mer en vor
wägg zums innere finde, ich chere nid um
gib empfindige wider, empfinde wies chunnt
bis d seel wot willi nid zugg**

**und darum flüchti is luftschloss
en wiite wäg, doch ich nimm mer en vor
wägg zums innere finde, ich chere nid um
gib empfindige wider, empfinde wies chunnt
zugg mitem luftschiff, bindet mich los**

02 Luftschloss

Musik: Oliver Herzog, Manuel Wülser, DJ Broad Minded
Text: Turescht, Flare

2. Part, Flare:

schinbar gits immer meh
wo vor luuter gränze und villne hinternis dä sinn nid gsehnd
sueched doch finded nid
als wäri s läbe e fable und d silbe gschribe in blindeschrift
darum nimm en stift, schrib dasses jede liiest
stiig ab id finschternis, riis alles mit wennd willsch
s'riift alles mit dä ziit, s wird eifacher
au wend d bei gwaggle, und keim andre chaschs leid klage
wenns di piisacke, nid alles ellei z schaffe
höheflüg sind eifach, schwer wieder weich z lande
weisch ame, gits i somene fall
irgendwo e türe, wo di s liecht und sunne empfängt
jep- alles gediege wie velofahre
plötzlich chunnsch vorwärts liechter wie stenographe
drum bou brücke, kei muure um alls
würdsch stuune wie bald, wäg as ufer erschaffsch
au scho so luunene gha
isch alles ziiitverschwändig, verschwänd kei minute für das
sig nid wie vieli losglöst, trotzdem an chettene bunde
dä schlüssel hetteds scho länger, doch wenden nid nutze
niemols dä pfaad us em fokus verlüre
nie sich schlächt wäg idiote go fühle
nur däjenig siegt wo däm druck trotz
ich weiss, dä druck isch gross

Hook